

Kategese
Gr 4 - 6
Verstaan jou Bybel

Doel van les:

Om die uitleg van die Bybel beter te verstaan sodat ons beter toegerus kan weer oor hoe om van meer van God te leer.

Ysbreker: Noot vir Noot:

Speel 'n klompie liedjies vir die kinders en kyk wie kan raai wat die liedjie se naam is, of uit watter fliëk of televisie reeks die liedjie kom.

Wie het almal geken? Wie het nie een geken nie?

Ons weet nie almal, van alles ewe veel nie. Van julle kan die hele dag hierdie speletjie speel en amper nooit iets verkeerd kry nie. Ander kan rugbyspanne opnoem sonder om een speler te mis of miskien kan jy groot dele uit jou gunsteling fliëks aanhaal. Ons is natuurlik nie hier om oor fliëks of sport te leer nie. Ons tema is: Verstaan jou Bybel.

So kom ek vra julle dan 'n klompie vrae oor die Bybel.

Wie kan vir my vertel hoeveel boeke in die Bybel is? 66.

Die Bybel is opgedeel in 2 dele. Wie kan hulle noem? Die Ou Testament en Nuwe Testament.

Hoeveel boeke is in die Ou Testament? 39

Hoeveel boeke is daar in die Nuwe Testament? 27

Groepwerk:

Nou gaan ek julle bietjie meer uitdaag. Elke groep gaan nou vir my die Ou en Nuwe Testament se boeke groepeer in hulle regte kategorieë. Ek gaan vir julle 'n lys gee van Ou Testament en Nuwe Testament boeke asook twee uitdeeltukke en julle moet vir my inskryf watter boeke dink julle by watter kategorieë pas. (nota aan kategeet: onthou om die lys voor te berei)
Gee die groepe kans om dit in te vul.

Gee die regte groepeerings deur en vra hoe dit gegaan het met hierdie taak.
Wie het almal reg gehad?

Powerpoint: Shadow sculptures

(sien Powerpoint op webblad)

Ek wil 'n powerpoint vir julle wys, omdat ek dink dat baie van julle hier sit, en voel dat die Bybel dalk 'n "deurmekaarspul" is. Selfs soos jy nou met die Ou en Nuwe Testament groepeerings sit, lyk dit steeds nie vir jou na iets wat sin maak nie. Maar wat ons moet weet is dit: Alles van die Bybel, elke testament, elke boek wys ons na Jesus en die wonderlike plan wat God gemaak het om ons te red. Lees Johannes 3:16.

Sluit af met gebed.